

Augustus 12, 2019

www.awemainta.com

www.facebook.com/awemainta

noticia@awemainta.com

583-1400




AWEMainta



15 año

Mientras cu tin Polis ta pone cara di nan coleganan na berguenza

Di otro banda mester reconoce e bon trabao pa detene Migual Schneiders



NAAM: Erick Arturo Minguel Junior SCHNEIDERS,
ROEPNAAM: "Miguel",
geboren op Aruba 29 december 1994.



NO ta tur Polis ta mescos, referiendo n'e caso unda por poco tabatin un asesinato pasional. Di otro banda mester duna elogio p'e bon trabao cu a ser haci p'e diferente cuerponan pa por a logra detene Migual Schneiders y su ruman, kende tambe ta ser busca pa husticia. Cu confiscacion di e armanan di candela y mira con bon nan tabata prepara, por constata cu arma di candela ta sigui drenta Aruba.



**INVEST
SECURE**

We don't just say it ... We Guarantee it !!!

ASIS
INTERNATIONAL
Advancing Security Worldwide®

*Your security protection
partner since 1996*

Tel: 582-7252

Everyone deserves a safe place to work,
live and play.

= exact

Solutions for Finance, Manufacturing,
Wholesale Distribution, Professional
Services, HRM, CRM and BPM

Business Processes
Marketing, Sales and Service
Logistics & Supply Chain Management
Reporting & Compliance
Planning & Production
Finance & Accounting
Project Management

Supporting all
your business activities

Our goal is to understand and anticipate your business requirements. It means that everything we do is geared towards equipping you with solutions that will help you succeed as markets evolve



Exact. And it all comes together. Tel: 583-7072 | info@vcc.int.com | www.vcc-int.com

Un grupo di abogado for di Spaña kier haci un inversion cuantioso na Aruba, pero

Polis a detene e vocero equibocadamente, cu por pone cu Aruba por perde e oportunidad aki

RECIENTEMENTE e conocido abogado di Spaña, Carlos Garrido tabata na Aruba pa reuni cu Gobierno di Aruba, pasobra e ta representa un grupo di abogado di Spaña, kendenan kier haci un inversion grandi na Aruba.

Nan interes ta pa por desaroya Aruba Golf Club combina cu un Boutique Hotel. Pero den mesun rosea, despues di a mira e localidad, a expresa nan interes den Boca Grandi, cu ta un bon localidad pa desaroya facilidadnan pa practica Kite-Surfing, tambe combina cu hotel.

Nan lo haci un inversion di como 200 miyon dolar den e proyectonan aki. E unico problema cu tin ta, cu parce cu Boca Grandi ta inclui den groengebied y den esaki ta Minister Otmar Oduber mester haci un excepcion, e.o. di cambia e ley di groengebied.

Esey a keda pendiente.

E grupo aki a duna un presentacion na Consejo di Minister y e reaccion ta, cu esaki ta otro bon oportunidad pa desaroya mas facilidad pariba di brug. Abogado Carlos Garrido a dicidi di bolbe Aruba cu su famia, unda nan hasta a bautisa un miembro di famia.

Tabata siman pasa, durante un anochi cu despues di a come den un restaurant, a dicidi di bay cana riba e strip y na altura di McDonald's, un grupo di mucha Arubiano, buscadornan di problema, a cana dal den e grupo di famia di Carlos Garrido y aki a surgi un discision y hasta un forsageo. Algun persona a dicidi di yama Polis, prome cu e situacion aki sali for di man.

Ora e prome patruye policial a yega, e mesun grupo di hobennan aki a muestra cu ta Carlos Garrido a busca problema cu nan y sin puntra,

Polis a detene e abogado y a hib'e Shaba, unda el a keda sera.

Mal experiencia sigur y siendo abogado, el a kere cu Polis lo scuch'e, pero no pa hisa bente den cel y p'e pasa dos anochi den cel.

E famia tabata rabia y a laga sa si t'asina e grupo di abogado Spaño kier bin inverti na Aruba, anto mihor deshaci di nan plannan.

Tabata diadomingo mainta ora cu el a keda presenta dilanti Fiscal di Ministerio Publico, cu Carlos Garrido a ser laga den libertad. Pero sigur esaki tabata un mal experiencia p'e mes y su famia.

Ta keda na Gobierno di Aruba, pa wak con por "make good" pa no perde e inversion aki di como 200 miyon dolar.

Un berguenza pa Polis

Por poco un morto pasional den Cuerpo Policial

Polis a hinca y corta colega cu intencion di mat'e

UN pareha Polis cu problema den relacion tabatin un discusion cu a bay for di man. Fuera di ta colega Polis, nan tabata traha hunto, pero awor uno ta traha na Warda di Polis na Santa Cruz y e otro ta traha den Central di Polis. Siendo pareha di otro, y jarloes, ta causa di e problema entre e pareha aki a bira asina serio cu el a caba den pelea y agresion cu arma blanco.

E agente policial Joanne Winklaar (Centrale Post) a hinca y corta su ex Paola Alvarez (Warda di Polis Santa Cruz).

Fuera di a cort'e cu cuchiu, a agredi'e tambe cu poco sla basta pisa. E agente herida Paola Alvarez a bay hospital pa

haya atencion medico. Segun informacion e agente herida a bay cas despues di haya atencion medico cu sla na boca y cortanan na curpa.

Mientrastanto a detene ambos Polis. Joanne Winklaar a keda ser'e na Warda di Polis na Shaba. Pa colmo e agente sospechoso Joanne Winklaar ta yiu di un Polis, kende pa colmo ta traha na BIZO, Departamento cu ta Investiga Coleganan Polis.

Den e caso aki e tata no por investiga of e departamento no por haci investigacion. Pesey a opta pa laga Lands Recherche haci e investigacion specifico aki. E caso aki a hera bira un crimen pasional diasabra ultimo.



Nan no ta e prome Polisnan cu tin relacion cu otro, pero no por haci nada contra esaki tampoco, pasobra nan tin tur derecho di scoge nan pareha, sea masculino of femenino.

Pero sim ester demanda pa nan sa di comporta nan mes, de lo contrario, scoge otro profesion.

Segun conseho di Grupo di Trabou

Cualkier solucion cu bin, semper mester keda cu un dump chikito



DEN e relato cu e comision instituto door di Minister, pa atende cu dump, a traha, ta para cu mayoria di e volumen di sushi deposita na Parkietenbos, ta sushi di cas y sushi comercial. Y mayoria di e sushi aki por wordo redirigi pa keda procesa mesora y “baled” p’asina separa e material cu no ta peligroso.

Un parti di sushi cu ta coy hopi espacio di e volumen total di sushi ta sushinan di cura di cas of di mata. Y esaki ta wordo hiba dump door di e diferente companianan of personanan cu ta haci curanan limpi of mantene e jardinnan.

E sushi aki, segun e rapport ta bisa, cu mayoria ta wordo produci door di contractistnana di Gobierno, por wordo redirigi y kima den forma controla, y den un forno publico. Pero tambe por “shred” e sushi aki, usando shreddernan chikito na unda e actividadnan di “landscaping” mes ta tuma luga door di e contratistanan. E material cu ta keda na final, por wordo plama rond pa enrikese e suela.

Sushi peligroso

Resto of sushi di materialnan medico y di bestianan tambe por wordo kima den un forma controla via di un “open-air burner”. E comision cu a traha riba esaki ta bisa cu e desperdicio medico mester un asercamento urgente pa atende cun’e di un otro forma of trato, ya cu e fuente ta consisti di malesanan cu por tin problemanan serio pa salud publico, si nan no procesa nan di e forma adecuado.

E grupo di trabou ta expresa cu hasta si mayoria di e desperdicionan wordo atendi di un otro forma, algun parti mester ainda un area pa dump nan, sea un area chikito na Parkietenbos of un otro luga, kisas conoci como un dump di salud.

Nan ta duna como ehempel, cu materialnan peligroso manera asbestos, bateria, tire y likidonan di auto mester un luga adecuado pa depositanan of facilidnan di recuperacion.

Pa tal motibo, creacion di un dump nobo no por wordo exclui den e decisionnan cu mester tuma riba posibel solucionnan pa dump di desperdicio.

Manera ariba menciona, mayoria di e obhetivonan pa un asercamento a corto plaso ta pa evalua e diferente alternativanan pa procesa e desperdicio na Aruba.

Asina e Grupo di Trabou of comision ta papia di 4 opcion cu tin pa “Refuse Derived Fuel”(RDF) cu ta mayoria di e volumen di sushi na Aruba, cu ta di cas, comercial y di materialnan di mata y t exclui e procesamento di materialnan peligroso cu por wordo tira riba dump, pa cual mester un area separa pa nan.

E grupo a tene diferente sesion di informacion y consulta, presentacion y bishita na diferente sitio y asina a yega na 4 opcion pa un asercamento a corto plaso:

1. Separa tur e sushi di MSW via di EcoGas, primi y empakete e sushi RDF den saconan di plastico, y despues e “bales”nan ta deshaci di nan den un area apart na Sero Teisji y otro areanan designa. Prome cu deshaci di e bales-nan aki, un analisis di laboratorio independiente mester wordo haci pa materialnan peligroso.

2. Separa tur e desperdicio di MSW via di EcoGas y kima e RDF den un asina yama “open-air curtain burner” (na Parkietenbos of e refinaria):

3. Separa tur e MSW via di EcoGas y kima e sushi yama RDF den un asina yama “open-air curtain burner cu chiminea (na Parkietenbos of e refinaria):

4. Separa tur e desperdicio di MSW via di EcoGas y deshaci di e RDF den paki den un dump na Sero Teishi/Refinaria di Aruba (RdA)/otro sitio. E posibilidad pa un dump area mas chikito mester wordo explora comokiera cu semper ta bay tin desperdicio cu mester wordo tira den dump.

Aruba mester sigui eleva calidad di experiencia y pone atencion na “value for money”

ESAKI ta locual A.T.A. a presenta como un mensahe clave siman pasa. Cu mester sigui pone atencion na “value for money”, no kiermen cu Aruba ta mucho caro den bista di e bishitante, ni cu esaki ta un punto di preocupacion alarmante. Esaki no obstante cu ta reconoce cu e por ta parti di dialogo di bishitantenan y cu semper lo tin un grupo di bishitante cu lo regarda Aruba como mucho caro. Aruba su costo total, historicamente, semper tabata uno mas eleva compara cu otro destinacionnan. Aruba a sa di desaroya exitosamente, manteniendo e posicion aki y asina presentando cu mes como un destinacion cu ta bal e prijs eleva, y pues cu ta brinda e calidad di un vacacion cu ta bale la pena y cu ta bal e costo.

A base di investigacionnan cu A.T.A. a laga conduci na varios ocasion; ora compara otro destinacionnan cu ta considera competidonan den Caribe, Aruba no ta e destinacion mas caro. Nos ta cay ‘memey’ den e pool di 5 a 6 destinacion. Pero si, Aruba semper tabata parti di e pool di destinacionnan mas costoso den e region.

Mester sigui eleva e calidad di experiencia, manera a bin ta hacie, y sigui pone atencion na brinda “value for money”. Hecho ta cu, esun cu bishita nos isla ta wordo pidi pa paga mas contrario cu otro opcion cu e por scoge pe. Y ofertanan di otro destinacion cu e bishitante por scoge for di dje ta hopi; den Caribe mes e competencia ta fuerte. Tin hopi destinacionnan cu entre otro hotelnan nobo cu ta wordo ofreci pa prijsnan abou pa asina yena cuponan di camber cu mester wordo yena.

Hecho ta cu Aruba a sa di sigui atrae e bishitante cu ta dispuesto pa paga e prijs eleva, un prijs cu a sigui subi e ultimo añanan. E aumenta aki ta consecuencia di entre otro e demanda fuerte cu tin pa Aruba como destinacion. Pues e bishitante di e perfil desea a sigui bishita Aruba y a sigui scoge pa Aruba, no obstante otro opcionnan. Esaki ta reflecciona den entre otro e siguiente crecimentonan ‘averahe pa aña’ durante e periodo di 2011-2018: +3.7% “stay-over visitor arrivals”, +5% “cruise visitor arrivals”, +5.1% “tourism credit” (registra pa Banco Central di Aruba), +7.2% “revenue per available room” (RevPar) (registra pa AHATA).

Otro hecho ta cu e grado di satisfaccion cu A.T.A. ta midi bou di bishitantenan ta halto, incluso ora compara cu otro destinacionnan. Nos isla ta score halto pa cu entre otro, e experiencia cu ta ricibi na acomodacionnan, pa cu e hospitalidad di e personal trahando den e diferente acomoda-



cionnan cu nos ta ofrece, pa cu nos gastronomia, e cordialidad di nos hendenan, e limpieza di nos isla, nos playanan, y e bishitante ta sinti su mes sigur na Aruba- compara cu otro destinacionnan.

A.T.A. ta para pa sigui eleva calidad di e producto y servicio y pa sigui pone mas atencion na “value for money”. Considerando cu e vision di turismo ta pa crece den “value” mas cu crece den “volume”, den linea cu locual A.T.A. ta yama e modelo di crecemento turistico “High Value, Low Impact”, tambe considerando competencia fuerte y ofertanan competitivo eyfo y cu e consumidor ta mas exigente – principalmente ora e ta wordo pidi pa paga mas –, y considerando cu turismo lo keda e ingreso principal pa pais Aruba, e deseo lo ta pa turismo sigui trece mas economicamente. Asina e ta esencial pa sigui traha riba e “value” cu nos ta ofrece e turista pa locual nos ta pidi’e pa paga, y pa eleva esaki.

Esaki lo sigui yuda pa mantene e posicion di Aruba como un isla cu ta bal e prijs eleva. Tambe esaki lo yuda na incrementa locual cada bishitante ta laga atras; si e consumidor ta haya locual e ta spera y locual ta interes’e por ehempel tipo di actividad / cuminda / producto etc.), asina e chens ta mas grandi cu e lo opta pa gasta mas y laga mas atras den nos economia.

Por ultimo mester corda cu eleva e experiencia kiermen tambe pone mas atencion pa nos medio ambiente y naturalesa, pero tambe mas control unda ta necesario.

Pues cu mester sigui pone atencion na “value for money”: no kiermen cu Aruba ta caro, of cu Aruba a bira caro pero cu mester sigui monitorea y eleva e bon calidad cu nos ta brinda nos bishitantenan.

Prome Ministro su palabra no tin balor

Sindicato Empleadonan Publico y Priva di Aruba (SEPPA) a manda pa su miembronan diabierna informacion di tur loke ta pasando den mundo di enseñansa, unda ta parce cu cosnan ta mal bruha. Awo aña escolar nobo ta habri cu maestronan cu hopi preocupacion no solamente pa nan mesun situacion huridico, pero tambe pa e calidad di enseñansa cu tur e cambionan cu kier haci.

SEPPA ta señala cu na inicio di augustus a circula un carta cerca trahadonan di Traimerdia, cu a sali den prensa tambe. Segun e carta, e traspaso di e Traimerdia pa e Minister di Asuntonan Social a wordo para. Un carta cu a causa hopi frustracion bou di trahadonan. "Ta ki forma di trata trahadonan esaki ta," e sindicato ta puntra.

Adems cu esaki ta contra di e palabracion cu Minister President a haci cu e trahadonan di Traimerdia y SEPPA. "Trahadonan mester interpreta cu nos Prome Ministro su palabra no tin balor, y cu e trahadonan a wordo engaña?. E parti huridico di comienso a wordo menciona cu esaki lo bay wordo regla. Esaki a sosode dilanti temporada prome cu vakantie, pues ta logico cu e trahadonan a drenta den nan vakantie cu hopi tranquilidad, sperando cu entre e Ministernan tur cos ta keda regla. Awe nos ta na porta di aña escolar nobo, e pregunta ta kico ta loke ta causando tanto tardanza pa keda cla, of Minister President a lubida e caranan di alegria expresa door di tur esnan presente for di momentonan cu nan a haya sa di no mester atende mas cu e Minister di Enseñansa actual?"

SEPPA por a scucha for di Minister di Asuntonan Social cu na ningun momento so e traspaso a keda para. Si esaki ta berdad, ta otro wega di palabra tin akinan y ta keda na gobierno mes pa un biaha mas haya prueba nan dilanti con dificil traha di e forma aki. Pa SEPPA y trahadonan di Traimerdia tur cos ta keda muestra cu e Ministro di Enseñansa ta haciendo tur cos posibel pa stroba e traspaso di Traimerdia. Pero e ora SEPPA ta bolbe puntra "acaso no ta e mesun Ministro Lampe aki a core sali bisa pueblo cu e traspaso tabata su propio idea cu tanto e mester a sali y broma cune?"

Minister di Asuntonan Social a bisa den reunion cu SEPPA cu su maneho ta keda manera e tabata prome cu tur e bruhamento cu a surgi. Esta Bezetting ta keda manera e tabata na 2018-2019, Centrumleidersnan y Huiswerkbegeleidersnan ta keda !!

Pero nada ta canando!. Un banda e Minister awor encarga cu Traimerdia ta bisa un cos, y e supuesto ex minister encarga via su dienst DPS ta bisa otro cos. Un bruhamento total tin y na final ta e trahadonan lo ta esnan perhudica pa esun cu lo no kier laga los !



INTRODUCING:
NEW 24 HOURS ON DUTY SERVICE
CALL OR WHATSAPP 597-6666

QUALITY ENVIRONMENTAL HEALTH & SAFETY

ECOTECH + ECOGAS = ZERO WASTE

ecotech
aruba Est. 1985

Accidente riba Caya Boes Orman a laga un persona herida atras



FOR RENT

Timeshare – Aruba Beach Club
1 Bedroom Deluxe Suite
Week: 13 – 17 Aug 2019
Price: \$600
Please Call: 594-0909

BO MESTER DI WASTE BUCKET RESIDENCIAL OF COMERCIAL?

ecotech aruba

YAMA

Mr. Bucket

594-3757
 mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

DIASABRA atardi pa mas o menos 6'or un accidente a sosode riba e cruzada di Caya Boes Orman cu Fordstraat. Tabata trata di un caso di no dunamento di preferencia. Autonan involvi ta un Kia Picanto y un Nissan Skyline. Ocupante di e Kia Picanto a resulta herida momento cu e airbag a bula. Esaki a causa cu e persona tabatin dolor basta dolor na pecho, y tambe por a mira cu el a sufri un golpi na cabes.

Polis y Ambulance a presenta n'e sitio. Paramediconan mesora a bay atende e ocupante di e KIA. Pa loke ta ocupantenan di e Nissan Skyline, nan tabata bastante altera y lo tabata grita riba caya palabranan di insulto den direccion di e Kia Picanto. Ocupante di e Kia Picanto a wordo transporta pa Hospital.

Minister di Enseñansa NO ta kere den Multidisciplinaire Centrum

SEPPA den un resumen di informacion manda pa su miembronan ta bisa cu te ainda trahadonan di Multidisciplinaire Centrum (MDC) ta preocupa ya cu desde entrega di nan ultimo manifiesto na juni, ainda no tin solucion duradero di banda di Prome Minister, kende a priminti nan di busca esaki.

E Minister di Enseñansa ta keda causa problema y cada biaha ta keda sconde tras di cu “hende ta compronde robes”. Ultimo biaha hasta a defende su mes, cu ponencianan sin pia ni cabes riba e carta cu el a saca ultimo, cu a cay manera un bom den cara di e docentenan. Pa MDC ainda no tin solucion, cu no ta e idea atrobe ‘mal bruha’ di e Minister.

Diabierna siman pasa, despues di a reuni cu Minister President un siman prome, trahadonan di MDC ainda a keda pendiente pa un contesta. Trahadonan di MDC no kier tende un contesta di Minister Lampe sino di e Minister President, kende a muestra di ta compronde e problematica. SEPPA a compronde cu hasta DRH a duna un conseho na Minister President, pues trahadonan di MDC ta keda insisti pa un solucion duradero di e mandatario cu ta na cabes di un gobernacion.

Segun SEPPA, ta parce cu akinan tambe e Minister kier keda cu MDC, keda cu un dienst cu e no ta kere den dje! Nanta puntra, con por sigui traha bao di un Minister di Enseñansa cu lo unico cu e ta haci te awor ta kibra MDC. Esaki ta e motibo cu a bisa e Minister President cu e Minister actual di Enseñansa te aworaki no a haci net net nada pa drecha e limitacionnan di MDC, al contrario. “E ora pakico toch e kier keda cu MDC,” nan ta puntra.



Invitacion

Banco Central di Aruba (BCA) ta invita publico en general pa asisti na un sesion informativo relaciona cu e serie nobo di e biyetenan di florin 2019 cu lo tuma lugar riba e siguiente fechanan:

- MFA Noord: Diamars, 13 augustus 2019 (6:00 PM – 8:00 PM)
- MFA Santa Cruz: Diahuebs, 15 augustus 2019 (6:00 PM – 8:00 PM)

Durante e sesion aki BCA lo duna splicacion detaya con pa reconoce nos biyetenan di florin 2019 pa medio di e caracteristicanan di siguridad riba e biyetenan. Tambe lo distribui diferente material promocional y lo elabora riba e fechanan importante relata na e circulacion di nos biyetenan di florin 2019.

No por pone limitacionnan sin mas den enseñansa



DEN carta y e rueda di prensa Carta di minister di enseñansa Rudy Lampe fecha 22 di juli 2019 y 29 juli 2019, e Minister ta menciona 3 punto cual a crea basta confusion, pa na final nan bin tende cu ta hende ta compronde robes.

Riba e tema di Lesuren, SEPPA ta splica cu tin diferencia entre full time docente enseñansa primario y docente avansa. E maestro di enseñansa primario su inschaling ta segun “onderwijschaal primair onderwijs” schaal 13.

E docente di enseñansa avansa su inschaling ta diferente segun e “onderwijschaal voor voorgezetter onderwijs”. Den e carta e ta papia di subsidio di 28 alumno den scol basico y esun avansa. Pues 28 alumno ta conta pa enseñansa avansa.

Pa basis/kleuter ta papia di splitsings di e cantidad, pues un klas por splitsi e grupo a yega 36 alumno. Esey kiermen bo por tin dos klas di 18 alumno. Pero e maestro su salario no ta a base di cantidad di alumnonan pa cada klas!

Den e carta di Minister ta wordo bisa cu “e medidanan ta wordo introduci di inmediato”. Tin un maneho pa taakuren cu ta vigente y e idea lo tabata pa ora e structura salarial nobo wordo introduci algun di e oranan cu ta cay te na e momento aki como taakuren lo a keda converti den un funcion. (P.e. Ib-er).

Kisas di e forma aki e lo a crea un situacion mas husto y ta muestra e peso y cantidad di oranan cu ta wordo dedica na bienestar di nos alumnonan y e sistema educativo. Pero e discusionnan aki tambe tin basta aña para y no ta parece tampoco cu e lo haya bida, tur pa falta di placa!. Lastimamente, e mesun factor placa aki ta loke ta pushando tur e discusionnan aki, cu kisas den otro momento, ni tabata alcaso.

Pero ta bon pa pueblo sa pakico tin taakuren. Den e caso di taakuren, minister ta bisa cu ta duna menos ora di taakuren, pero no ta splica kico taakuren ta encera. Taakuren ta e extra atencion cu docente ta duna e.o. na e studentenan cu tin problemanan social. No mester kita afo cu problemanan social ta refleha hopi den enseñansa. Ta haya tambe p.e. taakuren pa e docente cu ta sigui e.o. un curso di counselor of remedial teacher, of otro tareanan extra. Asina por tin mas ehempel.

Lo mester keda vigila e minister, si e lo aplica loke su carta ta bisa. Hecho ta cu pone limitacionnan den enseñansa no por bay sin mas, ya cu e lo no perhudica solamente alumno pero tambe e docente ey cu a studia y prepara su mes como profesional cu no tin siguridad di entrada tampoco! Esaki ta loke den 2019 ta brinda na e profesionalnan, inseguridad!.

Ya cu pa esnan cu ta duna losse uren p.e. anochi e lo tin su efecto. Normal, e ta asina cu un docente na inicio di aña escolar ta haya su cantidad di ora di les cu e tin cu duna y e ta haya su pago full e aña.

Si e ta malo of pa un of otro motibo, e ta mentor na su dagschool y e anochi ey tin reparticion di rapport, e ta haya e dia aki paga. Nada di “op basis van werkelijk gewerkte uren”. Pues, si kier mira e efecto si of no, cu tempo lo scucha e voz di e docente, e ora tur hende lo compronde na unda ta hibando nos sistema educativo.

Den e splicacion di e Minister enquanto “overuren” berdad por mira cu su definicion ta cuadra pero den su rueda di prensa e ta hunga cu palabra. E ta papia cu nada no lo cambia cu overuren, sino ta e overuren nan lo stop, esey e kiermen cu ta e docentenan cu ta traha mas cu 40 ora. Ta interesante pa sa cuanto maestro ta traha mas cu 40 ora paga. Si tin scarsedad di vakdocenten na middag/avondmavo, technische opleidingen, examenbureau.

Cu tin maestro ta traha mas cu 40 ora ta sigur, nos por hasta bisa cu un mayoria grandi pero tur ta sin pago. Ta p’esey mes, mester bin un discusion habri riba e realidad di e Maestronan, riba nan inversionnan propio pa cu scol, pa nos muchanan y hasta inversionnan di tempo pafo di oranan di scol.

Ta bon pa sa cu enberdad e salaris ta e parti mas grandi di e inversion den enseñansa. Pero netamente pa esaki tambe, mester atende Enseñansa na un forma miho. Tur pais di mundo ta muestra e importancia pa inverti mas y mas den nos sistema educativo. Ta aki na Aruba so kier bay tras di presion di un CAFT y crea caos.

Mescos ta e tema di renobacion di un edificio di scol Esaki ta pa responsabilidad di gobierno. Si tin gastonan di huur ta pasobra no tin un ‘plan van aanpak’ pa renobacion di edificionan di scol. Den nos constitucion ta para cu ta responsabilidad di gobierno pa mantencion grandi di edificionan di scol.

Pues, basicamente e minister den su rueda di prensa ta “krabbel terug” di loke su carta ta bisa hopi cla, esta “De maatregelen worden derhalve per direct geïntroduceerd”. Pues, “E lesado di e carta no a malinterpretar e contenido”.



**TIMESHARE
FOR SALE BY OWNER**



**UNIT # 304 – WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
(BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**

2,000,000 SUMMER POINT GIVEAWAY

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or 8 Table Credits and play again – up to 5X each day

See Players' Club for full rules. Points can be converted to Free Slot Play.



Open daily 10am to 4am • J.E. Irausquin Blvd #47 • 583.5000 • casinoalhambra.com

Sosteni dor di expertonan internacional **Pais Aruba preparando pa proceso di limited tendering**

CU satisfaccion Ministerio di Desaroyado Teritorial, Infraestructura y Medio Ambiente, por indica cu pais Aruba ta preparando y tumando e prome pasonan pa inicia e proceso di “limited tendering”.

E limited tendering aki ta p’e aspecto di Solid Waste Treatment Facility (SWTF), cu ta parti di e plan integral transparente y solido pa locual ta maneho di desperdicio na Aruba.

Por informa cu un team extenso di experto local, como tambe internacional renombra ta trahando duro y estrecho cu otro pa percura pa un proceso solido y transparente.

Reflexionando riba e vision di pais Aruba, pa locual t’e solucion di maneho di desperdicio.



Mester menciona cu, partnernan den region ta mira pais Aruba como ehempel p’e pasonan tuma.

Tambe cu hopi satisfaccion por bisa cu a ricibi hopi bon interes p’e proceso di limited tendering.

Di e forma aki, pais Aruba lo keda informa comunidad di cada paso cu lo inicia p’asina yega n’e plan integral y solucion duradero y sostenibel pa nos maneho di desperdicio.

Bodyguard di Minister kier a bringa cu Polis



DIADOMINGO madruga Polis a detene e homber J.S. kende ta Bodyguard di Minister Chris Romero.

Tabata den oranan di madruga Polis a bay banda di The Village den e area di Gusto. Informacion a drenta cu tin un hende causando problema. E kier a bringa tambe. E ta conoci pa practica martial art.

Polisnan di Noord a yega y bay atende cu e problema. Ora nan a kere cu nan lo trece tranquilidad, e homber J.S. kende ta Guardespalda Minister Chris Romero kier a bringa cu Polis tambe.

A bay over na detencion mesora. Na Warda tambe el a bira hopi fresco. E persona aki tabata bou influencia di algo y tabata comporta su mes den forma robes. Pesey mes na warda Sub Fiscal a pone sosega pa algun ora den cel.

Asina cu Minister Chris Romero a ser poni na altura di loke a pasa, el a lamenta cu esaki a sosode cu J.S. E ta un cancer survivor, mag mag di bebe y sigur no mag di usa droga. Pero lo averigua ta kico a sosode exactamente, pero un cos ta sigur, e mandatario lo tuma medida.

Despues di candela

Commandeur Pieter Boer School cla pa ricibi studiantenan



RECIENTEMENTE personal i Bureau city Inspector a intermedia den un caso, cu conseho, pa logra cu e area afecta pa candela na Commandeur Pieter Boer School wordo limpia mas lihe posibel.

Dia 18 di juli 2019 BCI a wordo poni na altura cu den oranan di marduga tawata tin un candela cu a tuma luga den un lokaal den e cura di Commandeur Pieter Boer School (Basis) na San Nicolas na unda cu e lokaal aki a kima por completo.

Sra Kar-Lie NG di Dienst Publieke Scholen (DPS) a splica cu esaki ta forma un peliger grandi pa e muchanan (alunnonan) y cu e restonan mester wordo opgeruimd mas lihe cu ta posibel y cu si esaki no tuma luga por tin consecucionan cu no lo por habri e scol aki pa dia

16 di augustus. BCI a conseha sra. NG pa tuma contact cu e seguro na unda esaki ta sigura pa nan haci nan investigacion lihe y asina nan ta cla pe yama BCI bek. Dia 24 di juli 2019 personal di BCI a wordo notifica cu e compania di seguro a keda cla cu nan investigacion y cu por cuminsa ruim op e restonan di e lokaal. Di biaha a cuminsa cu e tramitenan pa logra pa DOW ruim op esaki mas lihe posibel.

Dia 5 augustus 2019 pa 8 or di mainta DOW a cuminsa cu e opruiming.

Cabesante di e scol sra. Ustelle Cornett tawata na e sitio. Ela gradici BCI y DOW pa e cooperacion y tawata super contento cu esaki a wordo opgeruimd pa asina scol por wordo habri tranquil pe aña escolar nobo.

Fotonan di: Bureau City Inspector.



Estatua di Lolita ta limpi

RECIENTEMENTE e periodista Hilario Doncker a capta momento cu ciudadanonan atento, a dicidi di haci e estatua di Lolita limpi.

Doncker ta un persona hopi atento pa tur loke cu ta pasa na San Nicolas. Asina e ta bisa cu pa algun tempo caba el a constata cu e estatua di Lolita na San Nicolas ta cubri cu saltpeter. Tin un persona cu tin e tarea pa haci e estatua limpi den forma regular, pero esey no ta tumando luga.

Algun persona a dicidi di tuma trabou den nan mesun man y a haci uso di brasso pa kita e marca cu saltpeter a laga atras riba e estatua. E ta un ehempel pa otronan di San Nicolas, pa no sinta warda, pero nan mes ta preocupa pa nan hendenan aki, den e caso aki e estatua di Lolita, un persona masha admira na San Nicolas y simbolo di e barrio aki.

Yiu di un pareha Curasoleño a bira Miss Teenage International



Miss Teenage International ta un certamen cu ta wordo organisa pa basta tempo caba. Hopi hende no sa, pero den fin di siman, e eleccion a tuma luga unda un mucha muhe, yiu di un pareha di Corsou bibando na Hulanda a bay cu e maximo titulo no pa Corsou pero pa Hulanda.

E relato publica den prensa Hulandes ta bisa cu e mucha muhe Quishantely Leito (18 aña) di Rotterdam Zuid, a keda como e hoben mas bunita di mundo. Diasabra anochi el a gana e certamen aki di Miss Teenage International na Guatemala, unda cu el a competi den un certamen cu 40 participante di diferente pais di mundo.

Dos aña pasa e mucha muhe Hulandes Lotte van der Zee a gana e certamen aki. El a fayece e aña;ki den luna di maart despues di un paro cardiaco. Durante e certamen hubenil aki a tene un minuut di silencio na su memoria. Ora cu Quishantely a gana e titulo na Hulanda aña pasa, Lotte van der Zee tabata den hurado."E titulo aki mi ta dedik'e na Lotte," e ganado nobo di Miss Teenage Universe a bisa na Guatemala.

E organisacion di e edicion Hulandes di e certamen aki a bisa cu nan ta hopi contento cu e ganado di e titulo practica dos biaha tras di otro a bini pa Hulanda. E certamen aki ta principalmente popular bou di paisnan Latino. Mayoria di e hobennan a yega cu un team special pa yuda nan. Quishantely tabatin ayudo di solamente su mama. E organisacion di Miss Teen of the Netherlands a yuda for di distancia.

Quishantely a impresiona principalmente durante e ronda di pregunta."Mi miedo di mas grandi ta mi perde mi mes. Aprecia semper loke cu bo tin den bida. Aña pasa mi a perde mi tata, e ultimo lunanan e tabata sinta den un rolstoel pero asina mes semper e tabata positivo. Nos no ta rico, nos ta biba gewoon na Rotterdam Zuid, pero nos ta biba un bida y e bida ta un regalo, cu semper bo tin cu saca miho di dje," el a contesta ora cu e hurado a puntr'e cual ta e miedo di mas grandi cu e tin den su bida. Recientemente el a caba di finalisa su HAVO.

Fotonan saca di Facebook di Shanty Leito.

RECORDATORIO

Ultimo dia pa paga factura di coriente pa e luna di juni 2019 ta:

DIARANZON - 14 di augustus 2019

POR HACI PAGO NA:

- Tur Banco Comercial
- Tur MFA
- WEB Aruba N.V.
- N.V. ELMAR

EVITA PARA DEN FILA LARGO Y PAGA ONLINE

Por favor menciona e number di cuenta cu ta aparece riba e factura di coriente como descripcion di pago.



523 7100 | customerservice@elmar.aw

Lider di AVP a tene encuentro




“SCUCHANDO y combersando cu e pueblo di Moko Diasabra atardi. Nos Pueblo humilde ta hopi preocupa y ta desea cambio, ta anhela alivio y oportunidad husto y felicidad atrobe. Mi t’ey cu Boso y Partido t’ey,” tabata mensahe di e líder di AVP durante un encuentro cu un grupo di personanan cerca di e líder. Durante e encuentro aki a papia di e situacion di Aruba. AVP, e lider a bisa, sigur no a laga Aruba den e situacion aki. E Aruba di awor ta e forma cu e partidonan den Gobierno a scoge como nan maneho. AVP, el a splica esnan presente, semper a kere den inverti den e economia y di mas ta bay tin mas inversionnan ta wordo haci. Pero no por tuma medida tras di otro, manera ta tuma luga awo, y spera cu e economia ta bay dilanti. Ta hopi placa ta rancando for di e pueblo y tin mas medida na caminda.

Eman a splica tambe cu durante e 8 añanan cu AVP tabata den Gobierno, practicamente no tabatin inflacion, y hasta tabatin deflacion. Awo sinembargo tur hende por a constata cu tin un inflacion cu a cuminsa crece for di momento cu e Gobierno di Evelyn Wever Croes a sinta.

Tabatin hopi pregunta di solucionnan cu AVP ta mira pa cierto puntonan di preocupacion, con e Arubiano por haya miho chens pa cuminsa cu su mesun negoshi, con ta bay para cu e BBO pasobra esaki sigur lo no por wordo kita. Eman a splica cu berdad si baha e BBO e ciudadano lo no mira esaki, pasobra aworaki e ta hinca den e prijs. Pero sigur tin otro maneranan cu por solucion’e y AVP tin hopi experto, hobennan tambe cu ideanan nobo pa yuda Aruba bay dilanti.

Kiwanis cu proyecto di “Back to School” pa 72 mucha



DIASABRA ultimo, dia 10 di augustus 2019, Kiwanis a realisa e proyecto annual di “Back 2 School” pa di 7 año consecutivo. Kiwanis tin como meta pa sirbi y contribui na e muchanan den nos comunidad. E año aki un total di 72 mucha a ricibi ayudo cu nan articulonnan pa cuminsa e año escolar nobo.

Cada mucha a ricibi un tas yena cu articulo di scol manera: pen, potlood, schrift, gum, lineal, etc. E proyecto aki a cubri tanto uniform como tambe jeans, keds, mea y paña interior.

Despues di a haci nan compra hunto cu e miembronan di Kiwanis na Geekay, e muchanan a wordo hiba pa Neptali Henriquez Park caminda nan a disfruta di un dia yena cu actividad y atraccion di e park como entretenemento door di stichting Hungateca. Pa cuminda di merdia e muchanan a ricibi pizza cortesia di Urataka Center. Na Neptali Henriquez Park tambe a ofrece un examen di wowo door di Optica Oduber & Kan pa controla si nan bista ta bon. E muchanan a keda hopi contento cu e paña, uniform y nan tas yena cu articulo pa asina cuminsa un año escolar nobo. E dia tabata uno exitoso mirando e sonrisa riba e cara di e muchanan.

E organisacion di e evento tabata na encargo di un commission di miembronan procedente for di e tres clubnan di servicio di Kiwanis na Aruba, esta Kiwanis Club of Aruba, Kiwanis Club of Palm Beach y Kiwanis Club of Young Professionals Aruba, kende a uni forza pa asina realisa e proyecto inter-club aki di “Back 2 School”. E gasto di e evento a wordo cubri cu fondo nan cu e club di servicio ta recauda durante anja como tambe pa medio di sponsorships.

Kiwanis kier a tuma e oportunidad aki pa gradici tur esnan cu den un forma of otro a sa di contribui na e evento, y especialmente e siguiente sponsornan: Urataka Center, The Palm Tours, Balashi y R.E. Yrausquin & Sons. Alabes Kiwanis kier a desea nos muchanan un exitoso año escolar 2019-2020 yena cu hopi energia, bendicion y sabiduria. Kiwanis ta un organisacion charitativo mundial di voluntario dedica na cambia mundo, cuminsando na un comunidad y un mucha. Nos ta un organisacion den crecimiento, dedica na yuda muchanan di mundo henter hisando nan calidad di bida. Pa mas informacion, bishita: www.facebook.com/kiwanisclubofaruba/, www.facebook.com/kiwanispalmbecharuba, www.facebook.com/KiwanisYPAruba

Manera publica anteriormente caba

Polis lo no descansa, te ora nan detene Miguel Schneiders y esaki tabata e caso diasabra madruga na Urataka

FOR di algun dia caba, e Team di Recherche di Santa Cruz a dicidi di uni forza cu otro teamnan di Polis, cu tur intencion di pone man riba e fugitivo, Erick Arturo Minguel Junior Schneiders, mihor conoci como Miguel (24 aña).

Ta for di siman pasa, e teamnan di Polis a dicidi di haci varios entrada hudicial, e.o. na 2 cas na Meiveld, 1 na Piedra Plat, 1 na Tanki Leendert y 1 na Pavia, unda hasta a detene E.J.R.K. di 23 aña pa articulo 2:146 di nos Codigo Penal.



E Team di Recherche tin bon indicacionan cu e fugitivo ta na Aruba ainda y cu e ta scondi y pesy mes a bin ta alerta pueblo cu si bo por sa algo di su paradero of e sitio cu e ta scondi yama Polis na su tiplijn 11141.

Di e forma aki, Recherchenan a sigui pone presion riba e famia, haciendo varios entrada hudicial, pasobra un di nan sigur lo tin Miguel Schneiders scondi. Polis a cuminsa na manda mensahe cu si bo mes culpable na sconde e fugitive, cu bo por haya castigo di maximo 4 aña di prison.

Tabata diasabra madruga cu e Team di Recherche di Santa Cruz a logra detene e fugitivo Erick Arturo Minguel Junior Schneiders, hunto cu e homber Niurick Hereira, kende ta su ruman mas grandi na un cas na Urataka 24 J. E tambe tabata ser busca pa husticia, sospechoso den caso di asesinato.

Nan a wordo translada pa Warda di Polis caminda investigacion a continua. Nos mester bisa tremendo trabou di Recherche y diferente otro teamnan cu tambe a yuda den e investigacion.

Fuera di e detencionnan aki, a confisca tambe 4 arma di candela, un cantidad di bala, bullet-proof vest. Despues di interrogacion na Warda di Polis na San Nicolas, a hiba nan KIA, acompaña pa Team di Aresto, bon arma, ya cu no por confia a hendenan aki, cu manera Polis a bin ta bisa, ta ser considera sumamente peligroso. Mientras autoridad tin un ruman muher deteni tambe, relaciona cu e caso aki. Segun nos a compronde e cas aparentemente ta pertenece na un muher Jayceline C., kende tambe a keda deteni.



Cu hopi consternacion mi a tuma nota di e declaracionnan di Rainbow Warriors tocante e desaroyo di e hotel na Savaneta. Mi a corda riba e articulo cu ami a skirbi na maart di aña pasa y despues di les'e atrobe, mi kier comparti'e cu publico, pasobra e contenido tin e mes valides. Isla di Oro a gasta miles y miles di dollar pa estudionan haci pa Langan International, un di e companianan mas respeta den e genero ey, y den su peticion a laga tur porta habri pa gobierno controla cu nan lo mantenenan mes na tur condicionnan di e rapport di Langan y di e diferente departamentonan di e propio gobierno.

Con a para cu e Proyecto di Isla di Oro



E declaracionnan tocante e Proyecto Isla di Oro di Sr. Hepple, Director di AHATA, manera el a wordo cita recientemente den Diario, a intriga mi. Segun Sr. Hepple, “si papia cu desaroyado di Isla di Oro, ta increibel e cantidad di estudio haci ariba tereno ambiental y di impuesto. Ta remarcabel, e cantidad di evaluacion haci pa midi e impacto riba e medio ambiente y bin cu recomendacionnan positivo, pa loke ta e proyecto di Isla di Oro”.

Na November 2014 den un carta na e inversionistanan, gobierno a duna su aprobacion preliminar na un peticion cu e inversionistanan a haci 2 di october 2013.

De Regering van Aruba staat positief tegenover het door u geëntameerde project, inhoudende een vijf-sterren Boutique Hotel en nevenvoorziening, zoals beschreven in het projectdossier “Isla di Oro”, met dien verstande dat dit past binnen de in het Ruimtelijke Ontwikkelingsplan (ROP) vastgestelde zonering van het gebied waar dit is geprojecteerd. De afdeling belast met het ROP is momenteel bezig met de vereiste aanpassingen in het ROP om het betrokken project te kunnen accommoderen.

Manera ta indica den e carta, e departamento encarga cu e cambionan necesario den e ROP a cuminsa traha riba nan caba. Esaki ta casi cuater aña pasa! Entre tanto e empresa Americano Langan International, posiblemente un di e mihonan den su genero, a prepara e rapport “*Environmental Impact Assessment for Isla di Oro Zoëtry Resort*”.

No tin nada den e rapport cu ta muestra cu e proyecto ta bay ta dañino pa nos ecologia of ambiente. Al contrario, segun e rapport impactante di casi 300 pagina, e estudio ta muestra cu e mangrovenan ta muriendo y e coral ta core peliger di keda completamente destrui y algo mester wordo haci, urgentemente! E inversionistanan a ofrece di traha cu cualkier NGO cu gobierno ke nombra pa salba e mangel y coralnan.

Kico mas mester wordo haci pa e Proyecto aki wordo realiza? Mi ta curioso pa haya sa con a para cu e Proyecto Zoëtry pasobra ami ta encanta cu ne y mi tin deseo di mir'e bira un realidad. Berdaderamente, ta straño cu un proyecto asina bunita cu AHATA ta considera un adiccion balioso pa nos turismo ainda no ta den desaroyo.

E ta bay contribui tremendamente na turismo di Aruba en general, y esun di pariba di brug en particular. Algun aña pasa e residentenan di Pos Chikito a recauda un cantidad di firma pa apoya e proyecto aki pa nan comunidad. Nan ta realiza cu e proyecto lo beneficia turismo di Aruba y economia di Pos Chikito.

Na 2013 tur e NGO's nan cu tin di haber cu e ecologia, flora y fauna, di Aruba a reuni cu e inversionistanan pa expresa nan preocupacion cu e proyecto y pa presenta sugerencianan pa yuda e proyecto bira un exito. Den un rapport cu nan a prepara pa e minister di turismo di e tempo ey, Sr. Otmar Oduber, nan a documenta nan pensamentonan.

E minister di Turismo a pasa e rapport pa e inversionistanan pa nan consideracion. E NGO's tabata inclui Aruba Marine Mammal Foundation (AMMF), ABC (Aruba Bird-life Conservation), Aruba Reef Care Foundation (ARCF), Turtugaruba y Aruba Marine Park Foundation. Cu excepcion di Turtugaruba, tur e NGO's a remarca cu si e proyecto wordo desaroya corectamente e lo tin un potencial grandi di bira un berdadero eco-resort y e lo establece un ehempel pa eco-turismo den nos region.

Pa e inversionistanan, cooperacion cu e NGO's y cu gobierno ta esencial pa e proyecto bira un exito. E inversionistanan a balora e rapport cu e NGO's a prepara pa e Minister di Turismo y nan a tuma e opinionnan di e NGO's masha na serio. E rapport di Langan ta indica cu e inversionistanan a acepta mayoria di e criterio y sugerencianan y nan a tuma medidonan pa e preocupacionnan no bira realidad. Desafortunadamente, recientemente algun NGO a expresa nan preocupacion en coneccion cu e “destruccion” di algun mangrove manera Bubali Plas cu no tin nada di haber cu e proyecto Isla di Oro, pero naturalmente a causa algun sentimento negativo pa e proyecto den nos comunidad.

Mi no a haya confirmacion, pero mi tin entendi cu e trabou di modifica e ROP ta casi cla y cu awor ta keda na nos gobierno pa haci e decision pa duna luz berde na e proyecto. Sr. Otmar Oduber supuestamente a gusta e proyecto tempo e tabata Minister di Turismo pasobra el a reconoce e beneficiacion cu Isla di Oro Resort lo trese pa economia di Aruba.

E rapport di e expertonan di Langan, “*Environmental Impact Assessment for Isla di Oro Zoëtry Resort*” ta muestra bon cla cu e proyecto no ta forma un peliger pa nos ambiente ni pa nos ecologia, ni pa nos flora y fauna. Al contrario, e ta duna speransa cu e lo yuda nan.

Mi ta spera cu Sr. Otmar Oduber, den su capacidad actual di *Minister di Infrastructuur en Milieu* lo autoriza mas lihe posibel e comienzo di e construccion, naturalmente cu tur e condicion y controlnan cu e inversionistanan a acepta caba. clydeharms@yahoo.com

Aruba Bank ta recorda su clientenan riba e servicio di "Extended Hours"



ARUBA Bank su Contact Center ta brinda ayudo na clientenan di e banco te cu 8:00 di anochi durante dianan di siman y den fin di siman e clientenan por haci uzo di e servicionan desde 9:00 or di mainta te cu 5:00 di atardi.

E servicionan cu e Contact Center di Aruba Bank ta ofrece ta

- Block bo tarheta di credito of debito;
- Activa bo tarhetanan ora di viahe 'Travel Notice';
- Preguntanan tocante transaccionan incompleto di tarheta di Credito;
- Preguntanan tocante transaccionan incompleto di Smart Deposit Machine of ATM;
- Asistencia na ora di login riba Aruba Bank Online y Aruba Bank App.

Bo por tuma contacto cu Aruba Bank su Contact Center via (+297) 527-7777 of via WhatsApp (+297) 592-7777.



Potret Comité Olimpico Arubano COA



Pabien Mack!

Aruba Sailing Association huntu cu tur e regatistanan di Aruba ta yama Pabien na

Mack van den Eerenbeemt

Cu e logro durante e 2019 PANAM GAMES na Lima Peru den e disciplina di RS:X windsurfing.

Cu e prestacion aki e ta e promer atleta Arubano cu a jega di logra gana un medaya di brons cu ta di gran inspiracion pa nos atletanan local.

Pabien ta bai en particular na su mayornan, JP y Eef tambe su ruman Nick y e club WRCA.

Aruba Sailing Association

AWEMainta #1 Online

Completamente **DIGITAL**

Ricibi AWEMainta tur dia den bo inbox

Manda bo E-mail na noticia@awemainta.com

Haya noticia y edicionan di **AWEMainta** riba nos website

www.awemainta.com

Like nos riba Facebook

www.facebook.com/awemainta

Royal Aurora

Funeral Home & Crematory

Mi Dios, Mi Señor, Mi Salvador
Cu Bo amor infinito tenemi den Bo brazo
Ya no tin scuridad
Unicamente Bo Luz briyando

Cu dolor na nos curason
pero conforme cu boluntad di Dios,
nos kier anuncia fayecimento di nos difunto stima:



Alida Jansen

Mi hor conoci como "Aly"
*01-07-1962 - †07-08-2019

Acto di despedida lo wordo anuncia despues

Royal Aurora

Funeral Home & Crematory

"El Señor es mi pastor,
nada me faltará.
En lugares de verdes pastos me hace descansar;
junto a aguas de reposo me conduce.
El restaura mi alma;
me guía por senderos de justicia
por amor de su nombre."
Salmo: 23

Con mucha tristesa pero
conforme a la voluntad de Dios, anunciamos
que nos deixo para ir en brazos del Señor:



Sra. Yenifer Medema Vallecilla Viveros

Mejor conocida como "Jenny"
*05-12-1975 - †09-08-2019

En nombre de su:
Esposo: Jan Tiemen
Hija(o): Alexa y Aron
Mama: Carmelina

Hermano(a)s: Alex y Darly
Cuñados: Sra. M.H. Medema-v/d Hoek
Dorthe, Trijntje, Gerhard Jan, Mirjam, Marnix, Marleny,
Kennya, Kenner, Lara

Sobrino y sobrinas, primos y primas, amigos y
amigas y demas conocidos

Invitamos a un acto de condolencia y despedida que
tomara lugar en La funeraria Aurora el
miercoles 14 de agosto 2019 de 7 a 9 de la noche.
Y la cremacion sera despues.

Deseamos que todas las personas vistan de color.
Disculpen si por nuestra tristesa nos olvidamos
mencionar algun familiar o conocidos

Royal Aurora

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristesa den nos curason pero conforme
cu Dios su boluntad y gradecido pa tur locual e la
hasi y nifica pa nos, nos ta anuncia fayecimento di

Sr. Mauricio Rodrigo Maduro

Mi hor conoci como "Dico"
*13-03-1931 - †07-08-2019



Na number di su:
Casa: †Olinda Maduro-Krozendijk

Yiunan:
Dinah Maduro
Glicia y Otmar Curiel
Deta y Leo Lacle
Rudy y Eva Maduro
Rosy y Milo Croeze
Edward y maria Maduro

Nietonan:
Ryan Maduro, Marioly Velazco y famia
Leopold Lacle y famia, Angeliqwe Maduro y famia
Chris Lacle y famia, Dean Curiel y famia
Christine Lacle y famia, Stephany Maduro y famia
Jose Croeze, Stacey Maduro y famia
Andrea Croeze, Mauricio y Sebastian Maduro

Bisanieto y Bisanietanan: 18

Mama: †Maria Annette Maduro Lampe

Rumannan:
Lica y Ale Thiel y famia, Vdo. Willem Maduro y famia
†Vda. Pina Ras y famia, Maria Maduro, Mariano y
Betty Maduro y famia, Lee y Felicia Maduro, Vda.
Rosa de Cuba y famia, Lena y Pedro Kelly y famia, Bill
y Sila Maduro y famia, Vda. Lucia Richards y famia,
Frido y Deta Maduro y famia, Edwin y Anchi Maduro y
famia, Jado y Doy Maduro y famia, Swinda y Buchi
Janga y famia

Cuñanan: Vda. Aura Maduro y famia, †Cerilio
Krozendijk y famia, Ita y Toy Geerman y famia, Lucia y
Victor Hernandez y famia, Vda. Chenta Salazar y
famia

Sobrino y sobrinanan, primo y primanan, lhanan.

Demas famia: Maduro, Krozendijk, Kelly, Curiel, Lacle,
Croeze, Lampe, Velazco, Thiel, de Cuba, Croes,
Oduber, Ras, Hernandez, Richards, Janga

Ta invita demas famia, amigo, bisiaña y conocirnan pa
e acto di condolencia y entiero cu lo tuma lugar
dialuna 12 di augustus 2019 di 2'or pa 4'or di atardi
na Misa Maria Imaculada Concepcion y despues pa
Santana Santa Maria na Sta. Cruz

Disculpa nos si den nos tristesa nos por a lubida
algun famia of conocir

Prome ni despues di entiero nos no ta ricibi bishita di
condolencia na cas.

Royal Aurora

Funeral Home & Crematory

Cabey blanco ta un corona di gloria.
Den e caminda di husticia e ta wordo haña.
Prov. 16: 31

Nos ta anuncia fayecimento di:



Jesus Salvador Rincones

Mi hor conoci como: "Chu"
*01-01-1931 - †10-08-2019

Acto di entiero lo wordo anuncia despues.

Royal Aurora

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu dolor na nos curason pero conforme cu
boluntad di Dios, nos kier anuncia
fayecimento di nos defunto stima:



Glenn Paulin Kemp

*22-06-1950 - †08-08-2019

Acto di entiero lo eordo anuncia despues.

**DO NOT BE ANXIOUS
ABOUT ANYTHING.**

Philippians 4:16

Rosario Bibo diahuebs 15 di augustus

DIAHUEBS 15 di augustus lo tin otro Rosario Bibo na Kapel di Alto Vista cuminsando pa 7 or y mey di anochi.

Ta un custumber di cada luna pa tene e Rosario Bibo ora tin luna yen. Tin hopi claridad y ta un bunita momento pa presenta un of mas intencion na La Birgen di Alto Vista pa pidi su mediacion cerca Hesus.

Diahuebs awor lo resa pa un bon comienso di un otro año escolar p'e alumno, estudiante, maestro y mayornan.

Pa hobennan tin fe y perseverancia den nan estudio, p'e maestronan ta bon guia pa nan alumnonan y p'e mayornan tambe carga nan responsabilidad na cas pa yuda e muchanan cu conseho y unda cu por cu nan tareanan.

Comision organizado ta invita mayor, estudiante y maestronan y tur otro hende pa bin resa hunto na pia di nos mama di Alto Vista pa un exitoso año escolar 2019/2020.

Royal Aurora
Funeral Home & Crematory



Antonius Franciscus Janga

Mihor conoci como "Tonton"
*28-11-1930 - †09-08-2019

Viudo di †Leonora (Tonia) Mercedes Janga-Saitch beter

Ceremonia di despedida y condolencia lo tuma lugar diaranson 14 di augustus di 14:00 pa 16:00 na Royal Funeral Home

Nobena na honor di Dibino Niño Hesus di Praga

Parokia Juan Pablo II di Tanki Leendert ta tene un nobena na honor di Dibino Niño Hesus di Praga cu lo cuminsa diabierna 16 di augustus pa 5 or y mey di atardi.

E nobena ta sigui te cu 24 di augustus. Diasabra 17 y 24 di augustus e nobena lo ta pa 4 or y mey di atardi. Riba tur otro dia lo cuminsa cu e nobena pa 5 or y mey di atardi.

Diadomingo 25 di augustus pa 9 or di mainta lo tin un Santo Sacrificio di Misa pa gradicimento y pidi bendicion pa tur mucha y hoben.

E nobena y e Santo Sacrificio di Misa tur lo tuma lugar na Misa San Juan Pablo II na Tanki Leendert.

Ta invita specialmente tur mucha y hoben pa asisti n'e nobena pa resa y canta na honor di Niño Hesus.

Martiszoon sentenciá na 120 ora di trabou pa auto hòrta

WILLEMSTAD – Diabierne e ciudadano G. Martiszoon di 22 año di edad a presentá den sala di Corte pa responsabilisá su mes pa un acto castigabel cometé. Ta trata aki di e hecho cu autoridadnan a bin sa cu G. Martiszoon tabata den posesion di un auto Kia Picanto color blanco cu tabata hòrtá. Doño di e auto cu e plachi di number F3-24 ta famia Pang. Tabata durante e periodo 27 di janüari 2019 pa 28 di janüari 2019 den oranan di madrugada cu a hòrta e auto ariba mensioná y e doño a haci denuncia. Pero entre tantu tabatin mas auto Kia Picanto hòrtá, pero cu e plachi di number H30-32 cu lo mester tabata G76-18, ya cu e doño a reconocé su vehículo aunke a trata na kita e number di chasis.

E acusado a keda interrogá riba ladronisia di un auto Kia Picanto tambe color blanco, despues cu na 'Keuringslokaal' el a presentá cu e auto aki, pero a bin sali na cla cu e Kia Picanto cu e plachi number F3-24 tambe ta hòrtá y esun cu a bende e auto ey a bende mas auto hòrtá.

Abogado mr. Uldrick Dickens a argumentá cu su cliente a cumpra e auto aki sin tabata sa cu esaki tabata hòrtá.

Tabata netamente na 'Keuringslokaal' cu e bin sa cu a manipulá cu e number di chasis di e auto y e abogado a insistí cu su cliente no ta experto di auto pa por a sa un detaye asina importante.

Den hopi caso awendia ta anunciá benta di autonan hòrtá manera a sosodé cu e Kia Picanto color blanco, riba facebook, anto cumpradornan cu reaccioná, despues ta keda perhudicá.

Videonan contra moral riba red social

WILLEMSTAD - Un biaha mas Cuerpo Policial a tuma nota di dos video contra moral cu a keda publicá riba rednan social.

Ta trata aki di dos video caminda dos damita, menor di edad ta keda exponé haciendo actonan inmoral y te hasta teniendo relacion sexual cu un òf mas hòmber.

Aparte cu Polis ta censura e actonan aki den su totalidad, no ta mucho cla tampoco cu e damanan aki ta haciendo e actonan aki contra nan boluntad òf no.

E casonan aki ta den pleno investigacion y Cuerpo Policial ta haci un yamada na comunidad pa no sigui compartí e videonan aki.

Esaki ta contra ley y di otro banda e menornan aki mes-ter keda protehá, ya cu e publicacionnan irresponsabel aki por tin consecuencia pa nan futuro.

Si tin ciudadano cu tin informacion di e casonan aki, sea asina bon di drenta den contacto cu Polis inmediatamente.



Entrada hudicial cu confiscacion



WILLEMSTAD - Den oranan di madrugá di diasabra 10 di augustùs 2019 a drenta informacion cu tabatin un boto dirigiendo su mes pa costa sur di Còrsou cu transporte ilegal abordo.

Despues cu tabata probá cu e boto aki a haci contacto y cu tabatin transaccion na playa di Daai-booi, diferente servicio hudicial manera e.o. Polis, Aduana, Guardacosta y Marina Hulandes, a drenta accion y monta un operacion.

Seguidamente a tene un entrada hudicial na un adrès na Jankok. Den e becindario a bin topa diferente bulto di cocaina (176 kilo), un (1) arma di candela y dos vehículo cu a keda confiscá, den cuadro di e investigacion.

No tabatin ningun detencion durante di e entrada hudicial aki, miéntas a kima e droga riba e mesun dia. Investigacion den e caso aki ta continuá.

Detencion en conexion cu maltrato

WILLEMSTAD - 10 di augustùs 2019, alrededor di 04.30 or di marduga, Central di polis a dirigí un unidad policial na un discotech den área di Saliña, caminda un hòmer tabata maltratando un amigo di su èx partner.

Na yegada di e unidad, no a topa cu e sospechoso. Despues di un rato na warda di polis Rio Canario e dama y su partner víctima a declará na polis cu un rato promé tabatin un discucion entre e dama y su èx partner y cu esaki lo a dal su partner un moketa na su wowo drechi. E hòmer aki J.D.C.L., nase na República Dominicana di 38 aña di edad, a keda detené na warda di Polis Rio Canario pa e maltrato ariba mencioná.

A presentá e sospechoso dilanti di un fiscal auxiliar cu a ordená su encarselamento pendiente di mas investigacion.



Detencion relacioná cu menasa



WILLEMSTAD - 10 di augustùs 2019, alrededor di 00.55'or, di marduga durante di un control di polis a detené e hòmer N.M.A.R. naci na Corsou di 19 aña di edad, relacioná cu un caso di menasa cu arma di candela dia 9 augustùs 2019, den área di St. Maria.

Detencion di e sospechoso aki, pa kende ya caba tabatin un òrdo di búskeda y aresto, a tuma lugá riba Caracasbaaiweg.

A presenté dilanti di un Fiscal Auxiliar cu a ordená su encarselamento pendiente di mas investigacion.

Na Den Haag.....

Hoben (17) a dal su tata y puñalá otro hoben mata

DEN HAAG - Un homber di 38 aña a keda mortalmente puñalá antayera mèrdia den e caya Jacob Schorlaan na Den Haag despues cu un hoben di 17 aña a puñalé dilanti di masha hende. Tur hende cu ta biba den e caya a mira e asesinato pasa nan dilanti.

Promé cu esey tabatin un bochincha di otro mundo den un parke publico caminda e asesino di 17 aña a dal un otro mucha adolescente masha duro mes, pero esaki no a haci nada bèk, pasobra el a bisé cu e no ta rebah'é na su nivel.

Riba esey e hoben agresivo a bay su cas, cue un cuchiu y a puñalá e hoben inocente.

Varios bisiña a yama Polis, kendenan a yega mesora, pero no por a haci algo mas y a resta Polis pa arestá e hoben di 17 aña.

Un testigo a conta cu e hoben agresivo a dal e otro hoben un klap asina duro cu por a tende te na otro banda di caya y aparentemente e agresor a bira mas furioso ainda y a busca cuchiu pa mata e hoben cu a haña sla.



Famianan di ambos mucha homber tabata riba caya ta mira kico ta pasando.

Christian Salazar, kende a mira tur cos pasa a conta cu ta masha bochincha e dos mucha hòmbenan a haci ora nan abatí pleita y tur hende a sali for di nan cas pa mia kico ta pasa.

Tres hende arestá relacioná cu asesinato di turista Canades

PHILIPSBURG - Vocero Polisial na Sint Maarten a anunciá cu Polis arestá tres sospechoso en relacion cu asesinato di un turista Canades, kende a bay protehá su yiu muher durante un atraco y e bandidunan a tir'é mata. E sospechosonan ta cooperando cu Polis den e investigacion.

Dos Minister a convocá un conferencia di prensa hunto cu Fiscal Mayor, Mirjam Mol y Hefe di Polis na Sint Maarten pa duna e informacion.

E victima den e caso aki tabata Sylvain Valade, kende tabata na Sint Maarten di vakantie cu su yiu muher ora e trio di atracador a sorprendé nan. Tratando di defendé su yiu, nan a tira Valade mata.

E yiu mes no a sufri herida di bala, pero ta mal traumatizá. Trahando masha duro agentenan di husticia a investigá tur ángulo di e caso te ora nan a canta bingo siman pasa.



Minister di Turismo Johnson a admiti cu hamas famia di e victima lo lubidá e pensa cu e pèrdida aki a causa y hamas un caso asina mag ripiti.

E ta spera cu e famianan lo sinti alivio awor cu nan sa cu a arestá e hendenan cu a mata e tata di famia.

Afortunadamente e caso no tabatin impacto negativo riba turismo for di Canada, segun Minister di Turismo, Johnson ta kere.

Hefe Hulandes di cartel Dennis (40) arestá na Brazil



GOIÁS, Brazil. Na un ciudad Brazileño na estado Goiás, Polis a arestá un lider di cartel di droga, un tal Dennis di 40 aña, kende tin un organisacion criminal kende tabata pasa masha droga y laba placa.

Den corantnan na Brazil nan a traha raportahe amplio riba e Hulandes kende ta biba na Brazi y kende a keda arestá cu 5 cómplice.

Polis a confiscá dos avioneta, un helicopter, un jetski, 11 auto caru, 123 holoshi caro y 100.000 euro cash.

Pa luna Dennis tabata importá 5000 kilo di cocaina for di Colombia, Bolivia y Peru y for di Brazil tabata distribui e droga pa paisnan Europeo manera Hulanda, Alemania, Belgica.

Dennis su organisacion tabata laga pilotonan busca e droga den avionetanan cu tabata bula masha abou pa evitá cu radar lo capta nan y hopi biaha nan tabata bula bou di condicionnan peligroso.

E caso a explotá den prensa dia e piloto Bruce Lee Carvalho dos Santos a pèrdè dia 12 di decèmber. Nan ta calculá cu el a cay den un lago na Bolivia y tabata e investigacion Polis a haña e dato cu Bruce Lee tabata traha pe cartel di droga di Dennis.

Miembronan di e cartel tabata broma y disfruta di nan placa mal haya y tabata show-off cu nan auto Ferrari na Dubai y tabata manda piloto di helicopter pa cumpra ijcreme na Palmas. Tin grabacion riba Instagram con e operacion di detencion di Dennis y su cómplicenan a sosode.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox

AZ tin un problema grandi cu e caida den otro di parti di e dak di nan stadion



Robert Eenhoorn diasabra ultimo na number di e club di Alkmaar a informa cu parti di e dak di e stadion a cay den otro. Esaki a sosode na momento cu no tabatin ningun hende den e stadion. Por lo pronto lo no hunga ningun wega den e stadion aki, pa motibo di seguridad, asina Robert Eenhoorn a duna di conoce.

E incidente aki ta tuma lugar net awor cu siman pasa Eredivisie a cuminsa su temporada di football. No tin claridad ainda, unda e proximo weganan lo por wordo hunga.

Diadomingo ultimo, AZ a enfrenta RKC Waalwijk y pa diahuebs awor lo tin compromiso p'e Europa League, unda AZ lo mester topa cu Marioepol, pero e wega aki sigur lo mester wordo hunga den un otro stadion.

Robert Eenhoorn a bisa cu mescos cu tur hende, e tambe a spanta. Danki Dios no tabatin ningun hende den e stadion e momento ey.



Te awor no por bisa kico a pasa exactamente, pero e dnan benidero lo haci un investigacion profundo di expertonan di e incidente aki. Por lo pronto stadion di AZ no ta accesible. Hecho ta sigur cu AZ a scapa di un siniestro.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL